

ԳԵՑԻՄ ԼԱՔԵՐԻՈՍ

- Եվ խայտաճամուկ միմոսի շորով՝ Կեսարի կանչին
 Լաբերիոսն ահա կանգնեց կրրկեսում, Հոռոմի առաջին:
 Թընդաց Հըռոմը, և աթոռներից վեր կացան հանկարծ
 Ազնվավականներն ու ժողովուրդը ահից սարսափած.
- 5 Ու դըղըրդացին արձակ կրրկեսում շրփոթ ու շըշունջ,
 Հազիվ լըսելի խառնակ աղաղակ ու դըժգոհ տըրտունջ.
 «Լաբերիոսն այստեղ... և ինչպես միմոս... Այստեղ
 օրենքով
 Գերիններն իրենց կուռ շըղթաների շըռընչուններով,
 Սըրի շաչունով անմահ Հըռոմի հըրճվանքի համար
 10 Ճըգնում են ըմբշի և կամ միմոսի պըսակ ստանալ...
 Լաբերիոսն այստեղ... Բայց չի մոռացել Հըռոմը նըրան.
 Հին քաղաքացի, ծեր, հըռչակավոր պոետ անըման,
 Եվ արդ, կրրկեսում, ամբոխի առջև այսպես նա
 կանգնած,
 Կուռ ու գըլխակոր գետնին է նայում ամոթից շիկնած...»
- 15 Եվ տըրտունջների ձայներն անորոշ նըրան են հասնում.
 Բայց իր աչքերը Հըռոմի վըրա նա չի կամենում
 Բարձրացրնել այժմ՝ նըրա բացահայտ վըճոռի ժամանակ.
 Եվ անարգանքին ինքնաբավական հայացքով մենակ
 Կեսարն է նայում: Նըշան տըվավ նա հրամայող ձեռքով:
 20 Լըռեց վըրըստին հըպարտ Հըռոմը: Գետնակոր գըլխով,
 Ինչպես աղոթող ծանըր փորձանքի ահավոր ժամին,

Կանգնած է հուզված հանդիսի առջև երգիչ ծերունին:
Բայց դեմքը ահա առաջվա նրման փայլեցավ վառ-վառ,
Մըռայլ ճակատը դարձավ վերըստին հանգիստ ու
պայծառ,

25 Խոհուն աչքերը դրժգոհ ժողովին նայեցին կրկին,
Ու նորից երգի, բանաստեղծության համարձակ հոգին
Հասավ պոետին, սիրտ տրվավ նրան: Նա զրվարթացավ
Պաղ-պաղ սարսուռը սըրտիցը մինչև մատները անցավ...

30 Նա ոգևորվեց: Վառված աչքերը կրրակ են ցայտում:
Ընկճող հայացքով իր շուրջն է նայում: Տարածեց ահա
Անզուսպ խըռովքից դողացող աշը քընարի վըրա...
Ժողովը լուռ է: Բոլոր աչքերը խոնարհած են ցած:
Ազնվականները մըթին գիշերից մըռայլ են նստած,

35 Եվ ասպետները նըստած են խըրոխտ դեմքով կընճռալի.
Ուրախությունից փայլում է դեմքը ահեղ տիրողի:
Նոր նըշան տըվավ: Եվ ահա երկշոտ ու անհամարձակ
Բարձրացավ ձայնը... ծերի դողդոջուն, շոր մատների
տակ

Գովված քընարի ոսկի լարերը հընչեցին հանկարծ.
40 Խորին լուսնի ժամին առաջին երգը որոտաց:
Եվ սթափվեցավ Հըռոմը նորից. մարդիկ շարժվեցին.
Եվ աշխատում են պարզորոշ լըսել զայրացած երգչին:
Իսկ ալևորը, անխիղճ անպատված հին քաղաքացին,
Տակավին հըպարտ, արհամարհանքով նայում է Հոմին:

45 Նա երգում է անբավ փառքը, մեծությունը Կեսարի,
Բարձրը խելքն ու տերությունը, իշխանությունը բարի:
Երգում է փայլը նրա հաղթության և մաղթում է կյանք
Եվ ուղարկում է հըզոր Կեսարին հարգ ու մեծարանք:

- Փառաբանում է նա ճոխությունը ու փառքը Հոռոմի,
50 Եվ աղաչում է, որ բաժին անեն... Խինդը միմոսի...
Թախանձում է նա, որ ողջ մըտածեն, ինչպես որ ինքը,
Կեսարի շըրթան վըրա ճանաչեն իրենց օրենքը,
Որ հին օրերի ազատ երգերը ընդմիշտ լըռեին,
Ու միշտ Կեսարի թըշնամու ջանքերն իզուր ցըրվեին.
- 55 Հայրերի գոռոզ Հըռոմը գըլուխ խոնարհի նըրան,
Հըռոմում մարդիկ մըտածեն այնպե՛ս... միմոսի նըման...
Հանկարծ վիրավոր պոետը ցընցեց գըլուխն ալեզարդ,
Հընչող լարերին կատաղի ձեռքով զարկեց հուսահատ,
Քընարը ձըգեց ու գոռաց ցասկոտ ձայնով ահարկու.
- 60 – Բարձրացի՛ր, Հըռոմ՛, իրավունքներդ կորցնում ես դու։